



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-44-1-30/19
Sarajevo, 05.06.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 03.06.2019. do 07:00 sati 05.06.2019. godine

Kantonalni operativni centar civilne zaštite je dana, 04.06.2019. godine u 00:34 sata primio informaciju od Policijske stanice Hadžići da je na Bjelašnici izgubljeno pet osoba (čobana), te da isti traže pomoć. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, u skladu sa propisanim procedurama angažovana je Gorska služba spašavanja Kantonalne uprave civilne zaštite Kantona Sarajevo, čije su dvije ekipe krenule u potragu za izgubljenim licima na Bjelašnici. Pripadnici Gorske službe spašavanja Kantonalne uprave civile zaštite Kantona Sarajevo su u 06:05 sati pronašli izgubljene osobe na lokalitetu Krošnje. Jedna od izgubljenih osoba je bila blago podhladena dok se ostali nalazi u dobrom zdravstvenom stanju (snalaze se u vremenu i prostoru). Pripadnici Gorske službe spašavanja Kantonalne uprave civilne zaštite sa izgubljenim osobama su oko 07:30 sati stigli do mjesta Opančak čime je akcija spašavanja uspješno završena.



U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 03.06.2019. godine u 13:59 sati od Općinske službe CZ Novo Sarajevo, da je u ul. Milikladska br. 151., pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji su navedeno neeksplozivno ubojno sredstvo preuzeli isti dan.

Dana 04.06.2019.godine, uslijed obilnih kišnih padavina koje su zahvatile područje Kantona Sarajevo u popodnevnim satima došlo je do pojave bujičnih voda, začepljenja šahtova i odvoda, što je prouzrokovalo manje kratkotrajno plavljenje pojedinih saobraćajnica i to na slijedećim lokacijama:

- Lokalitet Kromolja, Općina Centar, izlila se voda iz kanala kod „golf igrališta“;
- Ul. Safeta Zajke, Općina Novi Grad, slivnici nisu mogli osvojiti količinu vode;
- Naselje Aneks, Općina Novi Grad, bujične vode .
- Općina Ilidža na više lokacija začepljeni šahtovi uzrokovali kratkotrajno zadržavanje vode na saobraćajnicama.

Od općinskih službi civilne zaštite: Stari Grad, Novo Sarajevo, Vogošća, Ilijaš, Hadžići i Trnovo nismo dobili informacije da su kišne padavine prouzrokovale probleme na području njihovih općina.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su pet manjih intervencija i to: dvije intervencije na gašenju zapaljenog smeća u kontejneru, jedna intervencija na gašenju zapaljenog dimnjaka, jedna na obezbjeđenju tankovanja goriva na Međunarodnom aerodromu Sarajevo i jedna tehnička intervencija (ispumpavanje vode).

Napomena: U protekla 24 sata pripadnici Profesionalne vatrogasne jedinice imali su četiri manje intervencije i to: jedna intervencija na gašenju zapaljenog smeća u kontejneru, jedna intervenciju na gašenju zapaljenog dimnjaka, jedna na obezbjeđenju tankovanja goriva na Međunarodnom aerodromu Sarajevo i jedna tehnička intervencija (ispumpavanje vode).

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodopsnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 13 °C, vlažnost zraka 99%, barometarski pritisak 938,5 hPa.



BIHAMK: Saobraćaj se na području Kantona Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1